



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-04-10308-58/20
Sarajevo, 15 .05.2020.godine

SKUPŠTINA KANTONA
N/r gosp. Mirza Čelik, Predsjedavajući
OVDJE

Predmet: Informacija vezana za inicijativu zastupnika Mahira Devića

Ministarstvu prostornog uređenja, građenja i zaštite okoliša dostavili ste inicijativu zastupnika Mahira Devića pokrenutu na 24. Radnoj sjednici Skupštine Kantona Sarajevo, održanoj dana 23.04.2020.godine, u okviru tačke Dnevnog reda "Poslanička pitanja, inicijative i odgovori", radi postupanja po istoj.

Inicijativa glasi:

"da Ministarstvo prostornog uređenja, građenja i zaštite okoliša Kantona Sarajevo pripremi prijedlog odluke o legalizaciji bespravno izgrađenih objekata u Kantonu Sarajevo".

Ministarstvo prostornog uređenja, građenja i zaštite okoliša, nakon prijema inicijative zastupnika Mahira Devića istu je razmotralo u okviru svoje nadležnosti, te Vas obavještavamo slijedeće:

Odredbe Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) ne predviđaju mogućnost legalizacije građevina, tako da ne postoji mogućnost donošenja predložene odluke.


Dakle, donošenje posebnog akta, kako se predlaže inicijativom, Zakon o prostornom uređenju Kantona Sarajevo ne predviđa. Međutim ističemo da je programom rada iz Ekspozea Vlade Kantona Sarajevo, predviđena izrada novog Zakona o prostornom uređenju i građenju, kada će biti razmatrano, između ostalog i pitanje bespravne izgradnje i legalizacije bespravno izgrađenih objekata.

Međutim, potrebno je istaći da postoje bespravni objekti izgrađeni u zonama gdje je to izričito zabranjeno (napr. Vodozaštitne zone, zone sporta, rekreacije i zaštitnog zelenila, zaštićenim područjima, u koridorima i zaštitnim pojasevima saobraćajnica, komunalne i energetske infrastrukture, u zonama vodne infrastrukture i dr.). Ovakvi objekti izgrađeni su suprotno općim načelima prostornog uređenja, važećim zakonskim propisima i odredbama važećih planskih dokumentima. Zbog navedenog, uklanjanje ovakvih objekata od strane nadležnih općinskih službi će morati prethoditi, eventualnom, stvaranju zakonskih mogućnosti novu legalizaciju.

S poštovanjem,

Dostaviti:

- Naslovu
- Vlada KS
- a/a



MINISTAR

Faruk Kapidžić, dipl.ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

